

**2018-imi akileraarutitigut ilanngaatisat il.il. imatut angissusilerneqarnissaannik  
Inatsisartut aalajangiinissaannik siunnersuut:**

<b>1. Inummut ilanngaat</b>	<b>kr. 48.000 (ukiumut)</b>
<b>2. Ilangaat aalajangersimasoq</b>	<b>kr. 10.000 (ukiumut)</b>
<b>3. Aningaasarsiat B-t akileraaruteqaataasussaannigitsut</b>	<b>kr. 5.000 (ukiumut)</b>
<b>4. Killilimmik akileraartussaataitaasut ilanngaataat</b>	<b>kr. 1.000 (ukiumut)</b>
<b>5. Kommunitut ataatsimut akileraarut.....</b>	<b>6%</b>

(Aningaasaqarnermut Akileraartarnermullu Naalakkersuisoq)

**pillugu**

**Aningaasaqarnermut Akileraartarnermullu Ataatsimiititaliap**

**siunnersuutip aappassaaneernejarneranut**

**ISUMALIUTISSIISSUTAA**

Ataatsimiititaliap suliarinninnermini ilaasortarai:

Inatsisartunut ilaasortaq Jens Immanuelzen, Siumut, siulittaasoq  
Inatsisartunut ilaasortaq Randi V. Evaldsen, Demokraatit, siulittaasup tullia  
Inatsisartunut ilaasortaq Peter Olsen, Inuit Ataqatigiit  
Inatsisartunut ilaasortaq Bendt Kristiansen, Inuit Ataqatigiit  
Inatsisartunut ilaasortaq Martha Lund Olsen, Siumut  
Inatsisartunut ilaasortaq Ineqi Kielsen, Siumut  
Inatsisartunut ilaasortaq Kelly Berthelsen, Inuit Ataqatigiit

Ulloq 28. april 2017-imi siullermeerinninnerup kingorna ataatsimiititaliap siunnersuut misissorpaa.

**1. Siunnersuutip imarisaa siunertaalu**

Naalakkersuisut siunnersuutigaat 2018-imut akileraarutitigut ilanngaatisat il.il. 2017-imut sannilliullugit allannguuteqassanngitsut, tassa ilanngaammik taamaattumik atuutsitsilernissaq aningaasasaqartinneqarsinnaappat sulinermut ilanngaammik atuutsitsilernissaq Naalakkersuisut sulisutigimmassuk. Tamatuma peqatigisaanik kommuninut ataatsimut akileraarut allanngortinneqassanngitsoq siunnersuutigineqarpoq. Ilangaatit il.il. ataasiakkaat erseqqinnerusumik eqqartorneqarnerat, atuuffii kiisalu ukiuni siusinnerusuni angissusilerneqarsimani eqqarsaati-

galugit ilanngussaq 1 innersuussutigineqarpoq, soorluttaaq 2018-imi aningaasarsiat tunngavis-saattut naatsorsuutigisat ilanngussaq 2-mi nassuiaatigineqartut.

## **2. Siunnersuutip Inatsisartunit siullermeerneqarnera**

Siullermeerininnermi siunnersuut nalinginnaasumik taperseerineqarpoq, tamatumani suliner-mut ilanngaas ilimasaarutigineqartoq akileraarutinillu iluarsaaqqinnermut atatillugu atuutsin-neqalersinnaasoq qilanaarigineqartutut oqaatigineqarluni.

## **3. Ataatsimiititaliap siunnersuummik suliarinninnera**

Ilanngaasissat annertussusissaat 2005-imili allanngorani taama annertussuseqartussanngorlugu aalajangiunneqartartoq Aningaasaqarnermut Akileraartarnermullu Ataatsimiititaliamit malu-giniarneqarpoq. Inuiaqatigiinni akit akissarsiallu 2005-ip kingorna annertuumik ineriartor-simasut, taamaalillunilu inummut ilanngaasip innuttaasunut ataasiakkaanut naleqassusia annikilleriarsimasoq ataatsimiititaliamit oqaatigineqassaaq. Kiisalu suliffeqarnermut ilanngaas atuutsinneqalissappat aningaasassaqaqqaartoqartariaqarnera ilanngaasissat annertussusiisa iluarsineqannginnerannut tunngavilersuutigineqartoq ataatsimiititaliap maluginiarpaa. Inum-mut ilanngaasip nalingata siuliani taaneqartutut 2005-imili annikilleriarsimaneratigut kiisalu inummut ilanngaasip isertitakitsunut pingaaruteqassusia eqqarsaatigalugu procenti aaqqiissu-tissaq pillugu inatsisissatut siunnersuut (UPA 2017/20) naapertorlugu inummut ilanngaasip iluarsisuteqartarnissamut siunissami ilanngunneratigut aningaasassaqaqarnissaq pineqartoq pilersinneqareersutut oqaatigineqarsinnaasoq ataatsimiititaliaq isumaqarpoq. Tassunga atatil-lugu qaqugu naammattumik aningaasassaqaqalernissap naatsorsuutigineqarnera eqqarsaatiga-lugu Naalakkersuisut erseqqinnerusumik oqaaseqarnissaat ataatsimiititaliamit kaammattuu-tigineqarpoq.

## **4. Siunnersuutip aningaasaqarnikkut kingunerisassai**

Siunnersuutip aningaasaqarnikkut allaffissornikkullu kingunerisassai pillugit siunnersuute-qartup naatsorsuutigisaanut Aningaasaqarnermut Akileraartarnermullu Ataatsimiititaliaq oqaaseqaatissaqanngilaq.

## **5. Ataatsimiititaliap inassuteqaatai**

Tamanna tunngavigalugu siunnersuut akuerineqassasoq ataatsimiititaliap isumaqatigiittup inassutigaa.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.




Jens Immanuelson,  
siulittaasoq



Randi V. Evaldsen



Peter Olsen



Bendt B. Kristiansen



Martha Lund Olsen



Ineqi Kielsen



Kelly Berthelsen